

CEO Aruba Airlines Onno de Swart

Trahando hunto a logra cu awe Aruba Airlines a haya su certificado di operacion



Momento cu ta entrega e documento oficialmente

ORANJESTAD – Pa Aruba Airlines ayera tabata un dia hopi grandi. CEO di Aruba Airlines Onno de Swart a bisa cu e certificacion a keda finalisa ta un logro importante. Hopi hende a coopera cu e compania aki pa awe nan a yega na e proceso final aki. Aruba Airlines ta habri un era nobo den aviacion na Aruba. E avionnan cu e compania ta bay uza ta unico den nan estilo y ta di e compania Airbus. E avionnan ta tipo Airbus 320 y ta bay fortalece e airlift rekeri na e isla. “Si Aruba ta biba di turismo bo mester di airlift”, asina de Swart a remarca.

CAPACIDAD

De Swart a bisa cu e avion tin capacidad di 150 pasahero y ta un avion super moderno.

E stoelnan ta dividi den 12 business class y 138 stoel den economy class. E intencion di Aruba Airlines ta pa cuminsa bula e rutan di Sao Paulo Brasil, Panama, Miami, Maracaibo. Den futuro e compania tin intencion di bula pa Newark y Boston. E idea ta pa amplia e rutan pa Aruba y crea mas posibilidad for di otro destinacionnan pa yega Aruba.

COMPANIA LOCAL

E compania aki ta 100 porshento Arubiano pa Arubiano y esaki ta algo di berdad. E pilotonan ta local cu a pasa un aña den entrenamiento y a prepara tur cos pa e operacion ta sigur. E personal di cabina tambe ta bon. E di dos avion tambe ta cla pa bini y ta kere dentro



Personal di cabina di Aruba Airlines



Parti di e personal di Aruba Airlines

d45 dia pa dos luna e avion ta na Aruba pa sigui crece e compania aki. E compania aki no por a logra esaki nan so, pero departamentonan di Gobierno y tambe Gobierno y su vision a yuda pa e proceso aki yega na finalisacion di e proyecto aki.

AVIACION CIVIL
Director di Departamento di Aviacion Civil a indica cu e compania aki Aruba Airlines aki ta un compania stabiel. E AOC aki a keda certifica pa un personal di departamento di aviacion civil cu a



CEO di Aruba Airlines Onno de Swart

haci un control extenso riba e compania aki. Tur hende por subi e avion aki tranquil ya cu a percura pa e seguridad di e avionnan aki ta optimal. Departamento di aviacion civil ta hiba e maneho y control riguroso. DCA a bisa cu nan a traha como un ekipo y hunto mester traha pa por yega na un final.

EVALUACION

Tabata tin momento nan cu mester a para un rato y reevalua e cosnan paso tabata un avion completamente nobo. hunto cu e profesionalnan di e compania y tambe departamento di aviacion civil, a sigui cu e trabounan. Tur hende por drumi tranquil paso e avion ta bula sigur y ta transporta e pasaheronan. □